

黎文僖公集

黎文僖公集卷之五

七言律詩

聖烈慈壽皇太后祔葬景陵回鑾和余府丞韻四首
龍輜卜吉下宸闈攀送難勝四海悲太妣歸從

文考聖孝成感念邑姜慈灞陵藏壁山河舊瀛海駮鸞
日月遯

宗社萬年遺訓在教行家國永無私

坤元下闕九泉封禪主來歸路指東神共娥皇隨

舜帝禮同嬖女配殷宗珠襦玉匣山為柳春露秋霜殿
隱松達孝不勝周武感葛覃卷耳盡餘風

宅建軍都第一山

母儀天下想恭寬手扶日御三朝盛慶衍蘿圖萬葉安
行殿雪袍歸劍佩輓歌薤露泣和鑿小臣自洒詞林淚
八表愁雲更渺漫

玄室因山近九關北瞻蒼翠五雲間已追軒后騎龍去
更繼姜嫄拊廟還天老漢陵原樹綠地深禹穴石苔斑
纂脩亦有如椽筆會錄徽音慰

聖顏

送人之官蜀中

雋選明廷學已優賢關鼓篋不淹留蜀山時雨承新命
湘水閑雲憶舊遊詩采碧芹池上晚經譚紅錦帳中秋
棟梁榱桷從今盛應待龍樓次第收

輓蔣守約

歸卧烟霞雪滿顛
微書再起侍堯天
玄都客到花仍在
紫府仙回月自圓
霄漢或時聞雅樂
坎離何處鍊重泉
墓詞幸有名駒構
泣捧宸章奠几筵

送王景留守中都

南國山河舊

帝都保笈分任此
權輿身同池鳳翔
霄漢學似人龍出
草廬萬竈總緜烟
郭裏一庭蘭桂午
風餘天戈尚欲平
戎虜應及明時有
薦書

送王行儉冢宰致事

相業堂堂老翰林
五朝憂國雪盈簪
冢卿衡鑑垂天日

學士文章重古今當軸尚懷調漢鼎歸雲無意作商霖
考終尚有龍洲月照見平生鐵石心

題湘江雨過畫竹

春岸維舟碧玉叢雨中春色看人濃震雷啓蟄當三月
深水停波躍二龍頭角奮昂金鱗鱗羽毛低拂翠重重
葛陂變化當年事神妙誰移付筆蹤

題畫贈栢椿先生

郊野雲歸宿雨收遠山重疊暗滄洲人家隔水橋梁小
僧寺栖霞樹木稠彷彿瀟湘漁浦晚依稀盧阜爲時秋
看圖想我江南樂醉裏題詩掉小舟

題盧憲副山水圖

造化移神下筆端野翁凝思翠微間雲陰綠染高低樹
日色青浮遠近山芳草平原孤館靜桃花流水一舟閑
看圖彷彿湘南景繡斧行春幾往還

贈蔣國鸞訓導廣平并序

昔正統間益城蔣侯肇為州澧陽獨以庶能著
稱當時惠澤及人深矣迄今二十年来中歷食
者情者刻酷者說謫而奔競者累累繼作追想
昔時官吏清肅其高風遐躅安可及哉予樂道
人之善重以澧陽德鄰因其子廣平師訓國鸞
邂逅京師興懷疇昔遂形諸感慨賦此詩寫侯
之善為國鸞贈云國鸞名鉉領景泰癸酉鄉薦

其教廣平亦充舉厥職蓋家法有攸在也

澧水東流念乃翁今時名譽昔時功鄉無虎吏妨農業
學有鴻儒正士風月下鼓鍾兵自戢草間圜獄長空
慶源此日興賢嗣後哲傷心竟少同

輓史真夫婦

陶潛歸去鬢初霜賓禮宜家有孟光坤轉七旬年再偶
乾周六甲數全陽郊原雨露椿萱老宗廟嶺繁日月長
莫道積書無讀者桂蘭今已發書香

送寧府鄭長史德新

楷範尊嚴學海深為儒良稱一生心早聞梁柱收胡瑗
又喜宗藩相社林時雨煖添銀漢冰春風閑度玉枝陰

古來司馬稱方外莫惟江山費苦吟

送鄧克成上舍歸省

一經中選玉階前槐市承恩更養賢
璞裏圭文初瑞世匣中劍氣已橫天
待攀月桂知秋近未老堂萱望錦還
友道金蘭三十載忍銜尊酒坐離筵

畫馬有奚官執彈弓倚樹而立

紫塞新收百戰功晚涼閑戲綠槐風
珣弓掛月待珠彈金勒垂雲散錦駿
秦帝天閑銅爵騎唐皇御苑玉花驄
畫圖模出死西骨松雪丹青此最工

賡韻慶楊繼新兄弟魁選

芳馨遠襲慶源來今見南山詠有臺
九畹蘭苗三擢秀

一經桂籍兩為魁，網羅龍虎推同氣。柱石巖廊選異材，
最喜朝紳趨燕賀。翰林先索震文雷。

賢能書進九重來，三鳳齊飛上玉臺。世業久傳蘇老業，
文魁邈勝宋家魁。六文義畫深窮理，五教軒門早達材。
桃浪化龍知不遠，試聽燒尾震春雷。

世澤高陽濟義來，歡聲遠動越王臺。老親福祿南山壽，
衆子科名北斗魁。大抵文章關世運，信知豪傑是天材。
獨憐久執揚雄戟，高義如陳願託雷。

送羅琥郎中致事

解組民曹鬢未皤，楚鄉今去樂如何。宮袍離俗風塵遠，
蜡燭尊年飲饌多。瑤海種桃還結子，碧池接鳳更生柯。

還山亦有巢雲志他日能無棹雪過

送郭元訓導高唐

孔壁傳經學已明範模新拜一官榮魯邦禮樂煩脩飾
漢代文章屬老成論秀月題登第榜挑燈夜聽讀書聲
黃河近在州東郭更把黃河壽令名

市隱為呂敬先

携家南郭擷芳英韜晦因成大隱名魏野曾辭汾水詔
龐公不入漢江城花前句寫丘園樂竹裏琴彈雪月清
應是小山招未得叢蘭養就桂重榮

送陳壘布政

藩屏榮書第一功廣南人物晉陶公會同有意承新寵

衡鑑無私憶舊忠冠蓋曉辭鳴鳳日帆檣春偃化鯨風
別離且喜門人貴日望台躔煥紫宮

用白居易西湖留別韻送新城訓導王賓

花明曉日樹橫烟文化新城藹誦絃羅隱至今遺故宅
東坡曾此詠豈年水聲流駐林間騎山色移來海上船
師道尊嚴天道合功名須近五雲邊

送李文煥僉憲浙江

盛時才行玉無瑕科第雲仍禮義家六載飛鳧書賜璽
三年冠豸帶生花潮平東海明寒月霜落西湖散綵霞
鷗鷺九天威正奮太微執法倍光華

蘭谷為僧智圓賦

得道無心與佛安山僧可是谷中蘭色滋雨露全離俗
氣飽風霜更耐寒紉佩已能明我性交芝應不盡人歡
岳陽此去飛孤鶴却笑朝紳見宰官

雲峰為僧圓景賦

孤雲閑住碧山峯高抗衡廬接岱宗日下寸圭開蕩蕩
天邊一柱削芙蓉講時龍護潭前鉢定裏禽栖石上松
今去無心繞城郭翠微遙聽擊踈鍾

華容宋仲實謁選天官厭薄書之煩慕田園之樂
援例幕賓之職而歸贈此詩以華其行

壯歲求閑志儘高一官親受

聖恩寢不將綠水青山樂輕換紅塵紫陌勞棹舂漁歌

正德公集
卷五
觀夜月位尊鄉飲醉春醪亦松亭在從遊好應見龐眉
出壽臈

龔德輝亞叅貴州

張綱氣節范滂心不負鄉闈舊蓋簪三疏叩環曾掃蠹
九年冠豸即腰金藩垣曉露薇花靜谿峒春雲草樹深
莫嘆殊方可淹滯早年猶待汝為霖

太學梁文振屢控春闈將歸澧陽其門人趙造等
求詩為別

大雅文章遠古心學成親造聖門深鑿山屢獻藍田玉
躍冶空遺麗水金秋入月宮蕃桂樹春催雲路近瓊林
蘭江歸去聊為別難捨青青舊子吟

送何楚英廣西太平知府

九轉丹砂百煉金，粵南宣化又重臨。
不官絕域蠻夷地，誰識平生鐵石心。
五寨寒霜新令肅，兩江秋水舊恩深。
臺中亦有啼烏樹，可得高枝借上林。

介軒為彭叅洪

聖和誰復展禽同，守介開軒見此翁。
白屋自堪全一樂，青山肯把換三公。
梅花老去融寒雪，棣萼繁來飽惠風。
莫道無功被家國，鄙夫沾化即為功。

題赤壁夜遊圖送荊州衛千戶方亨亨之父正予
故人也

赤壁烟燦燦，武昌英雄千載一。
周郎三分曹操中原土。

兩入坡仙古賦。章月下洞蕭龍起。聽夢中羽客鶴迴翔。
今時將畧當如古。坐對山川嘆蔚蒼。

送吳原博脩撰歸省

會元曾是亞元為。又出魁星照紫微。天榜不緣人力助。
親庭特受

聖恩歸錦標。獻捷雲龍勝。金水開河畫。鷓飛衣鉢五傳。
吾老矣。此行吾道倍光輝。

題劉國紀畫二首

萬仞青山俯碧溪。曾游此景洞庭西。茅廬訪隱琴堪抱。
野寺題詩路不迷。潭壑卧龍流水靜。樹歲仙鳥淡雲齊。
玉芝可食紅塵遠。欲借丹梯更一躋。

山外青山更有山，天移勝景落人間。
禪房隔水烟霞遠，仙洞臨溪日月閒。
花簇錦林留雨在，松盤翠壑待雲還。
草亭良是希夷宅，相約良朋共叩關。

壽董直方八十其妻七十七直方董正父也

武昌遊宦鬢猶薰，歸去鄱陽福更齊。
董奉杏林遺子姓，葛洪丹井共夫妻。
江山滿地時當夏，日月中天影未西。
今去期頤惟廿載，嬰兒還笑老萊啼。

送高憲使致事分韻得深字

文裁錦綺器鎔金，補袞平生用力深。
戎馬脫羈曾步月，霜相鷗擊水却為霖。
臯陶德澤虞廷史，諸葛功名蜀盡心。
黑髮早隨雲入岫，北堂萱茂桂成林。

謁三閭廟

汨羅千古浸忠魂東到同安廟獨存
霸業無心資藥石騷經有恨在乾坤
明廷賜爵春秋祀江水涵靈日夜奔
欲采蘋蘩薦香醴好風俄送過祠門

瑞巢棲鵲為王秉彝賦雙鵲營巢於建樓之日且
在梁間

化印為橋或妄傳瑞符忠孝乃誠然忠如漳郡營巢日
孝似乾陵補隙年宜室即同夫婦樂將雛已驗子孫賢
不知對木安梁際見者誰歟責有緣

成化甲午中秋夜科場有感錄呈進士馬添祿用
博一笑

院鎖清秋肅氣全月逢今夕十分圓鷗鷺擊水將過海
虎豹嚴關愛隔天老父自持公道在小兒誰繼世科賢
鑑衡賴有同袍益願得真儒獻

御前

吳太守新脩岳陽樓成暇日同登

樓出煙波萬頃間江南勝景隔塵寰天當盡處疑無地
水到中心却有山孤棹風雲來遠域層城鼓角壯雄關
諸侯事業今如古不見仙人跨鶴還

題潛江新洲寺并序

襄河有深淵忽生巨洲潛江呂尹起寺其上名
曰觀音閣李丞崇恩鵬予於寺且索詩予以閣

名繁蕪改曰新洲寺賦詩云

山阜俄生百尺淵果曾滄海變桑田沙填鰲極中截寺
地鎖龍宮下有天琴劍萬千餘里容帆檣七十灣船
江靈識我題詩意岸草汀花滿目前

頃過南都見王荆舒金陵懷古詩四首劉貢父和
韻大率言晉武平吳事意重復可戲予亦效顰用
前韻作八首序次朝代

吳

虎踞龍盤霸兩江漢家臣子入吳降曹瞞火散兵千隊
昭烈昏殘壁五雙地老故城潮打石天荒遺廟竹垂窓
豪華自古多哀怨不料兒孫戀彼缸

嘗披輿圖撫大江百年開創一朝降兵殘北路應無勢
座設南方豈得雙溪樂盡同花委地酣眠那管日升窓
興亡易感英雄恨痛醉庭前五一缸

晉

典午南奔限此江舊家骨肉半誅降津頭馬化真龍一
山上臺飛瑞鳳雙故國關河難舉目新亭涕淚各凭窓
廢陵古寺莓苔路只有人家竹葉缸

六朝

六朝城郭舊臨江朝作君臣暮請降玉樹後庭花已盡
烏衣古巷燕猶雙黃旗紫蓋天移運綠水青山客倚窓
往事不堪回首問呼兒喚友發新缸

銷盡豪華此一江當時不耻國家降臨春結綺人何在
廢苑荒城塔自雙西浦月明移客棹東山雲起透禪窓
陪都佳麗誰尤最更倒秦淮碧玉缸

趙宋

駐驂金陵又浙江謀臣不逐北兵降府携相印人來幾
橋號天津地許雙八幅賞心亭卧雪半山投老寺開窓
兩家安石忠邪異野廟今誰奠一缸

大明

萬馬橫飛采石江

君王神武不誅降皇圖混合乾坤一人世重瞻日月雙
航海象犀朝拜闕燭天燈火夜薰窓太平有象今何幸

春酒家家綠滿缸

大山東走限長江天建洪基敵國降寶位飛龍時用五
瓊樓翫鳳制成雙玉堂雲霧閑彤管金闕烟霞靜綺窓
聖子北都千里近年年光祿貢春缸

謝安墩在半山寺後王介甫故居近之因號半山
有詩諷墩予亦續詔

名字相同適偶然後人虛妄配前賢勝遊引妓雖忘世
新法殘民却昧天有姪竟收肥水捷無兒可續半山傳
殘墩古寺留遺恨芳草斜陽散暮烟

九江舊有白樂天祠歲久淪沒為他神所據太守
劉公復圖新之乃遷他神於別廟名其堂曰忠孝

適余予告過而謁焉因賦此詩

帥府堂開九水濱百年臣子一

君親金戈鐵馬功勳舊玉帳牙旗慶澤新夜月吹笳申
號令春風把酒叙彝倫江南古道今多廢禮俗從茲尚
可敦

輓尚書胡源潔二首

天民器識地仙身福壽當朝第一人進士起家臨九十
尚書掌禮歷三旬典章垂世闢名教功業經邦付史臣
應侍文星居紫極六龍升降尚攀鱗

四朝休戚國家同吾始賢哉復善終社稷賴為天子傳
江山歸作主人翁神收光嶽中台拚名落蠻夷北斗崇

太史有碑華墓道楸梧今已暗晴空

往年予訪舊潛江辱姻友愛厚久不能舍因鄭君
沂冠帶歸作此詩贈別兼奉問友云

縣有絃歌里有仁舊遊深愛故鄉親江樓對酒邀風月
野寺題詩動鬼神上國恩光榮貴客名家禮讓出賢人
敬恭桑梓今歸去雲樹興懷又幾春

題萬佛寺大魏禪師竹室

一竿挺秀出紅塵禪室稱為長者身風裏韻高朱益友
月中影瘦立長人表儀天竺諸孫貴袖領瀟湘萬玉春
莫拂烟霄惹威鳳世尊清節只安貧

題畫拾得

寶珠收獲赤城邊人說前身是晉賢塵界不因僧得夢
香厨誰識佛隨緣一燈在世移詩卷雙鶴還巢鎖洞天
圖畫炳靈雲路杳國清古刹樹蒼然

題畫山水

疊嶂堆藍倚碧霄茅堂久住得春饒主人掃榻初開卷
遊客携琴恰度橋獨樹樵歌波激灩穹林隱寺路迢遙
楚山行樂當年趣千里乾坤一幅綃

輓韓永熙都憲二首

儒官昔擁碧油幢兩句風謠響萬邦功蓋古今人第一
材兼文武世無雙豸收繡斧辭南越鶴眠松雲老北窓
要識風霜凜然處綿綿遺澤在西江

曾樹詩壇赤羽幢北巡南越坐安邦
天兵徃日真無敵國士今時豈有雙
星墜紫宸烏泣月堂虛綠野竹垂窻
展禽直道傳青史流作東吳萬里江

世績堂為江西都指揮段晟原任常德衛

山河帶礪舊將軍汗馬今來幾葉孫
紫塞忠魂重效死清朝武爵疊承恩
威行朔漠交荒遠名入丹青鐵券尊
今鎮越鄉功又顯楚雲猶為護轅門

題東坡山谷佛印三笑圖

笑倒蘇黃與印公披圖猶見宋遺風
豈因朝譴情懷放或為談詩氣味同
尋獲石牛遊野洞解將玉帶鎮禪宮
虎溪三笑曾如是涪水眉山事已空

慶黃叔高少宰六十用李賓之韻二首

海上三山壽者身，天教輔世領儒紳。
周全甲子重開曆，候見孤南出拱辰。
桂夕佳期先九日，丹臺遐筭更千春。
公心照物明如月，到此年年一倍新。

卓立精金百煉身，廟堂清節動簪紳。
鑑衡人物登三事，橐籥陰陽順五辰。
天上再加今日壽，筆端緣有舊時春。
皇恩眷注深如海，台斗行看爵位新。

小孤山

山橫天塹亘西東，萬仞孤峯斷忽通。
雲拂衡廬連鳥道，水吞吳楚闕龍宮。
重關曠海威何壯，砥柱中流節已雄。
廟祀靈妃後人望，老巫來訝說神功。

歌風臺

顛羸蹶項仆淮陰歸宴鄉園慰壯心
桑梓敬恭諸父醉
風雲感慨一龍吟
先生草木家為國
氣蓋山河古亘今
安不忘危霸圖遠
高臺遺碣綠苔深

送林俊憲副雲南

欲試兼金百煉精
矍伸猶遣到南溟
官如周舉行江漢
人似昌黎過洞庭
未必西京遺寶鼎
定應南斗避文星
丈夫不灑臨岐淚
拂劍高歌倒一罍

題夏端畫

東山春水隔南山
鄉里誰移此畫間
泉漲竹溪梅已老
雲生苔徑鶴初還
松陰轉戶觀書倦
草色侵簾對酒閒

猶記翠微尋隱者洞天深處每躋攀

題清如來畫

僧到真空乃不空託身翰墨現神工雪曾有意飄牕外
梅豈無情入畫中王者香薰孤石相離騷賦寫寸心忠
題詩相送閒雲去今續南能幾代風

天順丁丑春予過鄴城具辦香謁韓魏公祠因作
詩一首今三十餘年矣追憶舊作潛錄以寄云

危疑自古立功難公處危疑更自然三秉白旄清紫塞
兩扶紅日上青天泰山端拱尊諸嶽滄海平流納百川
尊酒辦香今肅拜慶雲猶繞廟門前

題沈周山水畫四首

轉幹千林淑氣回
絳桃先遣一株開
路穿綠樹重陰去
雲接青山半壁來
天際劍鋒撐突兀
兀日邊金刹露崔嵬
東溪卜築賢人在
醉裏行吟上石臺

萬丈丹梯杳莫攀
天移勝景出塵寰
雨初靜洗千尋樹
雲忽來遮一半山
幕阜人家黃霧外
桃源風景翠微間
瀑泉飛下成川水
坐看長年百慮閑

平生志趣飽烟霞
五嶽尋真閱歲華
樹老百年身已曲
山盤萬壑勢如斜
丹崖翠壁仙人洞
白石清泉隱者家
坐愛吳楓早霜後
湍林紅葉勝春花

雪後山村萬木枯
風烟慘淡歲寒圖
九靈詩料收逾有
五老泉聲聽却無
樹隱屋廬人住遠
橋橫溪澗客行孤

可憐十數青衫古石改真心與世殊

揚應寧家藏山水小畫頗肖予南山別墅詩以志之

一帶青山萬頃湖天將此景愜吾迂雲從衡岳來荆國
水送瀟湘出楚都楊柳雨收書屋潤芰荷風起釣帆孤
主人皓首猶爲客誰寫寰瀛入畫圖

題孫懋仁松畫圖

泰岱蒼官翠拂天畫中標格儼生全宏材已長三千尺
高節何須十八年敬手日曉看龍矢矯巢雲夜有鶴盤旋
舊遊記得東山路每坐清陰酌澗泉

題孫懋仁蘭畫圖

與善同居氣味親誰將水墨為傳神楚王騷國金釵賦
謝氏庭增玉樹人已結脩篁為益友不嫌芳草作比隣
那容霜節雲霞老好托瑤琴寫一鈞

黎文僖公集卷之六

五言排律

題金壁山水圖

雪積千山曉林開見草堂
暝陰連嶽麓寒氣繞滄浪
樹入郊原敞雲浮嶺岫長
小橋流水白深洞老松蒼
列戟危峯露重裊細草黃
主人虛右榻來客過前岡
有約琴三弄無辭酒十觴
依微廬阜下彷彿剡溪傍
點染心神契登臨俗慮忘
交遊多寓此孤我謝公莊

具慶堂為曹景御史賦

柱史登朝日度關
正壽康百年階盛福
奕世衍餘芳椿
老齊南極萱開陰
北堂岡陵增曆數
淮海共壺觴
親德

乾坤閱

君恩日月長推崇榮豸職褒顯錫龍章霞帔鏘瓊佩烏
紗被繡裳老聃來下界王母降西方已化龜隨鶴真成
鳳偶凰綿綿瓜帶瓞采采菊分香自得心無翳何曾髮
有霜慶源深莫側化國廣難量句曲神仙府江南禮義
鄉此詩一樽酒畫錦好風光

壽胡處士二十韻

化國人多壽天教五福昌端陽逾二日六甲又三霜踪
跡風塵外心神水石傍不扶鳩作杖甘製芟為裳刻竹
題詩在臨梅玩易詳閒情超太古世德啓高堂南極年
年度長庚夜夜光老聃來降止彭祖正康彊桃醉烟霞

茶椿涵雨露蒼縷絲花勝簇樽姐綺筵張綬角題麟筆
添籌記海洋桑蓬弘遠畧松栢茂崇周翁自留心地兒
皆勗義方賣家丹桂秀馬氏白眉良已報泥金帖還歌
陟岵章襄封期錫誥拜戲想稱觴親愛稽山重

君恩鏡水長養龜懷洛社算鶴夢吳鄉麗句從歌詠新
圖仗寄將因之祝純嘏極目鴈南翔

輓司馬先生

涑水流遺澤南來幾葉孫詩書華胄遠冠帶古風敦自
得棲林壑何曾到縣門秋容餘老圃獨樂守名園意適
稽山趣心澄鏡水源謝公邀看屐賀老拉開樽濟歎周
仁惠庶頑抗直言精誠孚族黨利益滿鄉村花底尋詩

什梅造玩易元竹梧超未俗蘭桂茁靈根擬閱岡陵壽
俄驚歲月奔難招塵外隱竟斷夢中竟經濟推梁木儀
刑失達尊少微從此墜高義有人論北海歸仙鶴南亭
哭野猿松揪春雨暗桑梓莫雲昏繼美鍾餘慶褒封有
聖恩銜哀歌楚些潛德儼生存

胡榮父母同壽六十

水發清江秀山藏玉筍神人家全五福天壽眷雙親結
髮三旬後同庖六十春宜家如鼓瑟供案似筵賓頌美
嬰兒齒名高隱士身共周堯甲子均作舜蒸民瞻憲榮
賢嗣端頭立近臣璽書封爵盛宮錦賜袍新隱隱雲霞
帔重重綵繡湘南孤明碧漢寶婺拱丹宸內里傳瓊液

麻姑降羽輪花簪烏帽重珠綴翟冠勻度海胎禽慣行
山白鹿馴嚴霜堅古栢清露潤慈筠梧老枝重茂川長
福更臻鳳飛惟逐鳳麒動只隨麟遠邁期頤筭彌深造
化仁蕭郎與弄玉仙路接蒼旻

輓彭貫

智樂南溪水文魁北斗星雲司分憲部繡斧下蒼溟英
蕩從來貴輻軒敢自寧騰章寬厚賦持節按祥刑吏治
頻繩糾民謠博采聽恩光蘇槁木春意徧含靈寵近金
魚紫功高漢簡青親榮堂上祿兒授膝前經月桂名重
耀山雲迹遽停急流能勇退宿酒快初醒江返浮萍實
林歸倦鶴翎安期邀啖棗角里約餐苓翳翳園中景休

休野外亭真成全至樂自足保長齡重拜迴鸞詰還趨
振鷺庭栢松宜晚節蒲柳速先零訣絕怜蘇子哀傷感
舜廷潞河移旅櫬天路杳仙軒列傳詞臣述穹碑太史
銘悲歌何限意有淚詒東溟

輓吏部司務段慎父母

椿共靈萱老凰隨彩鳳遷一成宜室樂兩拜倅車賢驥
展風雲足琴和律呂絃侯邦臨越國甸服近堯天吏
黃岩老民懷陸象先寇君仍許借王濟不教還慶律榮
身後褒封下日邊大夫官又陟壽母節彌堅廟廟蹟
祝慈闈玳瑁筵胡摧橋木榦亦殞婺星躔五桂花陰慘
三珠月淚連真珉留姓字惠帳泣曾玄鸞鶴連巢宿麒

麟共塚眠良人應待伴弔客或來仙圃薤晨昏露楸梧
遠近烟玉堂歌楚夢千古恨同綿

送御史魏瀚巡按雲南

繡斧巡南詔天威到海濱鷹鷂宜搏擊鳶鳳却慈仁政
化都遵古科條盡屬春唐儀尊冠豸漢法駭埋輪甘雨
祛氛浸清風息瘴塵狼潛民事簡犬睡吏風循武畧雄
邊將文銓利國宥雲霄懸藻鑑淵水躍潛鱗脩好采重
譯騰章達九重聰明寧有限習俗再還淳山嶽英名重
園池樂事頻醉收金馬趣吟借碧雞神功業歸
明主恩麻賜近臣偉哉弘遠畧行矣立通津樽酒何時
約多才此日伸絨詞千里去一鶴起蒼旻

輓郎國米公勇

帶礪山河舊經綸柱石崇詩書賢冢嗣社稷老元戎茅
土傳家孝干戈報國忠亞夫平漢亂寶相滅唐凶勒石
祁連北開疆瀚海東月明貔虎卧烽燼犬羊空閩內尊
都帥朝端連上公爪牙威自肅心膂眷何隆柳滴金貂
露花翻玉帳風入參帷幄近出擁節旄雄彪蹕窮荒地
期心爨鏢翁塵絕清塞外星忽墜營中雲繞軍容黑江
流戰血紅張巡能死敵李廣未論功開運逢明盛疏封
際顯融九原王命錫三葉

聖恩洪名姓標麟閣精蒐上紫宮定遠猶有箭起眉更
無熊達水沉龍劍扶桑掛角弓哀榮耀終始嗟怨香難

窮

輓李本素

薦剡榮飛鶚蟠泥早躍龍衣冠延慶澤詩史擴心宵西
折分模範東膠樂鼓鍾璫璣成器羨桃李得春濃雞
俄徵兆蛟騰竟失蹤市槐雲慘淡碧水月朦朧旅櫂移
千里家山隔萬重仙鬼渺何處瀛海訪喬翁

送錢學士使安南

越駱頒封建鑿坡出旆旌使星南斗避仙馭北門清宮
錦裁花賜天章載冊行猷樽甘露瀉龍節綵雲橫陸
丁寧語關河卷注情威猶瞻咫尺恩忽滿寰瀛驛度揚
輒騎波濤激海鯨雷鞭蠻雨過風偃瘴烟晴澗草隨袍

長林花拂袂迎文章體奎壁談空峇瑤瓊馴象依麟德
啼禽聽鳳聲鉅材宜遠畧盛禮慶重成爵土藩垣職山
河帶礪盟義悖天序正功顯泰階平不數相如志還齊
博望名歸期應早約廊廟待鈞衡

送江緬脩歸蜀

昔我登金馬隨君步玉堂群龍歸海化諸鳳入雲翔禮
待嚴宸肅才專信史良石渠開寶璽虎觀發珎藏潤色
皇猷顯恢宏聖治張是非公百世筆削擅三長晝聽宮
中漏晨携仗外香月侵瓊珮令露濕錦袍涼御榻聞謨
訓經筵覲德光天高優寵渥地近獲才良最考耆功偉
褒封賜勅詳五花紛照耀奕葉並輝煌京國來千里家

鄉渺一方楸梧憐夜雨桑梓念秋霜予告承仙詔趨綏
促容裝驪歌當祖道馬色慘河梁潦盡巴江碧烟消峽
樹蒼有懷鴻共序無奈鴈成行奎壁收盈舸珠璣贖滿
囊先賢陸道誼後學富文章道以同心協文由會友昌
贈茲今古意庶慰遠相望

孫仲全壽六卜給事敬父

坤勢珉璠鎮軋文井絡纏神靈昭盛世間氣產英賢南
郭千楹屋東郊十頃田子荆家美矣顏氏樂悠然裕後
詩書在承先禮義傳陶情人境外絕跡縣門前德盛陰
功積身安福壽全莫春統十日新曆又周天星斗輝璇
極笙歌沸綺筵雪山融玉壘錦市獻花殘鳩杖林泉客

鸞旌洞府仙聖燈同皎月寶局藹祥烟栢酒斟三百椿
齡度八千紅顏嬉鹿鶴墨髮養曾玄禁闈麟兒瑞都門
鴈侶還因之託遐想霄漢寸心懸

景州四異

聖主興鴻業禎祥兆帝基專城千里託大節九重知運
屬乾坤轉恩均雨露施食饒秋穀稻衣富野蚕絲姬旦
禾登史張堪麥采詩一時兼衆義千載集繁禧至寶雖
無意陽和本不私豈同天雨露寧羨地生芝績在祠曹
獻名歸國典垂太行須輦石題作峴山碑

慶高上達父水門釣隱壽七十

甲子十年後重陽三日前水門娛釣隱化國有神仙紫

誥來天上朱衣侍，膝邊曾論仁者壽。戴禮老而傳芝草，
留商綺松花養。偓佺桂迎都豸，出雲抱蟄龍眠。日豈誇
三萬年猶數八千主人顏，潤玉坐容酒成川。集錦曾稱
慶裁瓊更拂箋，緘誠遠將意一鴈越南還。

輓柯孟時父南軒道叟

昔觀蒼龍闕，曾瞻鶴姿慶。祥先祖積慈訓。

聖皇知瑤海，椿千丈瓊林。桂一枝壺公將斷處，太史受
封時。玉署分官燕金門，序禮儀却圖優老計。歸辦買山
資，袞繡閑無累。煙霞舊有期隴雲驅白犢，江月釣寒絲
鱗趾。公孫秀龜疇福祿綬天方增上壽，人忽謝良醫。賻
奠隆恩典哀榮，荷寵私竹衰悽晚色花瘁想春熙。瀟灑

淵明傳穹隆有道碑八閩遙景仰楚夢莫成辭

輓邵韞銓

身樂承平日心存太古初一腔黃憲量萬卷鄴侯書義
粟周鄰里旌章耀井閭曾參鰥可並閔損孝寧虛秋水
和烟釣春雲帶雨鋤柳間停小騎花外載安車出處惟
由我炎涼不管渠北橋間衍曆南梓忽聽臚鄉屢蠲逋
負家恒富積諸仙槎回海國封爵下山居宗姓勤敦禮
林園遠結廬擷芳題野竹宴客剪寒蔬軀健身無恙坤
亨慶有餘福當躋壽域夢偶入華胥五鼎冬官祭千年
處士譽流光宜若此安命更何如象阜丹霞散神峯綠
樹疎作詩歌引緋落日正愁予

輓劉文介公

光嶽英靈萃乾坤降甫申自

天隆眷顧命世錫忠純夙昔文皇世崇儒統聖真羅英
高設網觀國早充賓勛冊勤舒卷丘園樂隱淪金螺泉
是友白鷺月為鄰瀟洛潛心遠關閩入夢親交游惟仰
斗弟子總垂紳盡化池中物深藏席上珍一朝陞桂籍
萬里躍雲津鳳閣三千字龍樓第一人虞廷收鷲鷲曾
數獲麒麟賜炬歸長夜鳴珂向早晨編摩專史筆翼贊
侍儀宸冰泮瀛洲曉花開闔苑春太常陳禮樂內翰出
絲綸賦就箋添價詩成句有神典章銘鼎彝制作刻瑤
珉豪傑登科目英雄付選掄心同天道直文變士風淳

幸得真材出翻遭宰相嗔危臨餓虎口險逆老蛟鱗不
遇

今明主誰怜右蓋臣蒼繩終莫汚尺蠖竟交伸尚擬登
台輔同期秉化鈞官階升要地塊莖入蒼旻
當宁興哀惜蒼生酒泪顰褒封崇贈謚諭祭展明裡勁
節留千古芳名遍八垠

恩榮保始終尊貴冠群倫自我求先覺於君接後塵嘉
言常亶亶清誨每諄諄已作黃盃夢難瞻立玉身九原
秋寂寂血泪抱悲辛

黎文僖公集卷之七

五言古

送李景渭泌陽訓導

達士不偶俗，冥棲謝塵喧。高才抱經濟，至理窮根源。爰

發東帛禮，倏賁于丘園。遂懷道義出，聲華動詞垣。

聖人重文教，司訓承

天恩。朝來啟告別，一鷲東南騫。蹇子資麗澤，曷抒中鬱

煩。豈無斗酒酌相送，城南門草米日已槁。霜露日以繁，

古稱行路難。所欣師道尊，興懷群俊彥。濟濟羅瓊璠，龍

門會高躍。恩義兩相敦，行矣想樹立。庶副平生言。

輓崇山翁

落日墜西谷大河走東溟流光與逝波一去靡暫停
時迭更代薤露晨易零雖則有仁者不能保長齡我觀
崇山翁秀鍾萬物靈文獻萃上世詩禮傳家庭具楚富
奇勝壯年身自經晚歸香城山別墅開園亭賢勞幹父
蠱志順心以寧手足敦友愛樂被秋原鵠遂令金紫陌
欲起陞堯庭愛推分散惠愉愉徧郊坰有偉仁孫枝濟
羨凌蒼冥竭來聲譽彰縵馥芝蘭馨曷不承昭德上輝
少微星山川歛清淑鄉閭失儀刑穹碑屹墓道太史空
題銘泉臺間永闕松栢森長青我歌楚步哀淒切何能
聽

晚趙政員外父

北風撼庭椿落日辭高樹滄波眇難追白日餘成暮嗟
嗟泉下人一去無歸路生平湖海蹤棄擲今伊處生兒
孝養遠衷曲憑誰訴豈無褒贈榮不覩形神寓遺行鏡
貞珉青山鎖高墓遊子歸來悲遐思慘霜露

送滿本恭同知鎮安府

鎮安百粵地治世治良民聖人慎懷遠因俗任守臣主
雖本扶雄贊佐皆朝紳豈惟內外交實使形勢均守曰
威可猛而我敷其仁守曰武可黷而我修其文屏藩資
乃義澤物由我春遂令僻壤間翕然古風淳用夏變遠
夷功效於斯臻不聞柳州柳冠帶加文身至今百代下
日月明英神行行懋樹立漢吏期同循

送友人下第南歸

神鯉超龍門，鷗鵬擊鯨海。風雲時未來，鱗羽收光彩。徂
徂鬱鬱松，楚澤青青匪。材氣各有宜，豈乏知音採。丈夫
貴自彊，寵辱何須駭。况此英妙年，六藝心通解。器宇恢
洪，容風神穆，瀟灑暫屈須。淹留超騰可期待，不聞古昌
黎三謁春官宰。一朝龍虎榮功業，垂千載高堂尚可升。
壯志寧容改。

送車秦代聘君吳與弼謝恩還金谿

安車起尚皓，優詔遂野情。恩旆被雲臥，感激陳精誠。爰
命弟子賢，肅奉琅玕呈。允懷三事重，寧惜萬里行。振衣
造雲闕。

天子知芳名，韓棠棣花登瀛。又敷榮，異鄉聚手足。曷殊蘇彭城，南鴻引歸興。風雨心，鳧鷖豈無斗酒酌。慰此室家盟，作詩念行役。去去離神京，處當養幽貞。出當蜚英聲。

拙菴為方珙教諭

四序迭更代，萬彙自形色。天道寂以周，有若拙者默。山川鬱峙流，坤輿迥寧謐。地道靜以安，有若拙者逸。所以古聖人，法象天地拙。無為質具全，無言理道達。嗟惟世降來，古道日虧闕。揚墨翻狂瀾，蘇秦掉長舌。權謀侈豪雄，數藝誇明哲。溥風日以漓，頽波浩難涉。雲霾白日昏，龍虎互吞滅。况非瀛洛君，誰壽斯文脉。卓哉君子儒，景

行追前烈用拙名菴居持身蹈高節體樸恒渾全講論
務親切永遠服食華竟謝云為謫俯奚求物權仰曷要
人悅信茲作德良外順中還愜祿位爰豐隆屢歷彌端
繁人承模楷莊士仰鑑衡別行當表斯民四海同矜式
化行春晝風弊燥紅鑑雪陶情寫孤標逸駕攀遐轍

順正堂為吳興張居敬賦

貴富靡強求賤貧恒自足正命本在天順受良為福山
水麗公村煙霞子真谷詩書俯仰間名利何拘束慶流
方至川壽積如苞竹古道於斯存子孫世承穀

養性齋為曾崇志賦

冥樸寡俗慮培養全吾天優游經史餘煥坐調水絃一

彈欲火熄再鼓心塵蠲至理諒斯存我德還昭然太虛
照明月深澗流清泉身與期牙儔心在羲農前高風暢
遐想善教嗣親傳勿謂知音稀尚友輩夔賢

敬鍾棠棣為楊維新學士賦

青青園中樹緜緜枝上英熙熙弄春晝灼灼輝陽精物
理顯序秩况此手足情下有恭順弟上有友愛兄勤勞
念天顯萬里隨脩程如彼嘉木華燁然並光明頌令琴
瑟諧遂及椿萱榮人心久雍穆天道乃泰亨源源降福
履松栢同堅貞飲爾邊豆樂共祝倫彛成深仁植根本
大義蕃柯莖曷言崇至德期頤省休徵

題川上圖

太虛象有形造化本無極二儀交運行四序迭供職江河比循環日月如聯璧人生靡有窮育物何能息道體諒斯存萬古猶一日我觀川上流至理尤昭替前川往有歸後派源方出損之勢莫虧增之量難溢聲容始貫終氣味今猶昔淵哉道體微即此真堪識於州宣父心妙契生生易發之以示人也蒙仗開闢智者勉自彊因茲起矜式存天以遏人慎獨功逾密道無地不脩性罔時違率逮其歸抵家天德純乎一收功位天地神聖超同域神情寓德言聖矩垂篇帙披圖哦短章輝容想親炙

題童大章庶子庄

富貴身外物功名暫時榮
衆人不知此笑我拙經營
幸茲好山水託處知衷情
迹令十畝庄得擅開官名
山花性雅淡月水心登明
耕耘足真趣吐納希長生
浩然穹壤間此樂誰能爭
柳愚染丘姓周濂響溪聲
子孫世斯業天地留斯清

兵部王侍郎致事以竹索題

司馬湘南人愛此湘南物
心懷儼潔清節操同貞獨
登庸昔遭遇質美文醜郁
截管陳臯謨排簫響韶曲
篋席陪南郊簡編貯天祿
陳饁飭玉籩破虜飛金簇
冰霜雖慘嚴箭箠惟堅篤
鳳凰翔九霄一去重來復
老年祖幹祗展畫林園
屋歸休蕃子孫勿改瀟湘
綠不聞睿聖翁

九十猶勤最瑟憫永弗諼千秋仰淇澳

成化六年正月十日

大祀分獻南嶽是日甘露降詩以志之

堪輿祖萬物郊祀謹國章

皇心儼對越在德非馨香兩儀信有靈於穆來鑒享俯
聞五嶽降仰見三光明群祗駭奔走歆懌不可量中和
妙感極膏露流禎祥繞壇松檜林葉葉凝神聚南嶽館
赤帝威柄雄炎方小臣拜稽首獻奠代肅將恭脩如在
誠浚發重黎光朱陵豈云遠精爽飄洋洋祝融冠五峯
况幸居同御英靈在賢哲純嘏延熙康翼晨歸慶成賦
詠歌明良

題陳搏圖

冥棲謝聲利，服氣為神仙。
閉門華山中，雲臥三十年。
松喬與神遊，放蕩羲黃前。
覺來飲數椀，時復開青編。
心同萬化運，道悟太極先。
時移偶暫出世治，還高眠。
巍巍潛龍友，禮召何勤拳。
草屨華山中，復起行堯天。
可憐相府癡，邀請談虛玄。
寧知黃白術，匪人不輕傳。
悵嗟經世學，竟化珠潛淵。
飄然歸舊廬，鶴夢銷塵緣。
白雲函野心，丹詔難重宣。
至今雲臺觀，石洞號寒泉。

遊西山九龍池

石泉疏九竅，下繞潛龍池。
龍飛天上去，池水鍾成吹。
容輝淨寶鑑，氣味調瓊飴。

先皇昔臨翫愛此淵源竒鑿成九龍首環布池之涓勃
教龍口中噴水無餘遺傾同酒醬瀉滴若珠璣岳下流
注江海本根良在茲鑿興巖坐久逝者嗟如斯宸衷契
道體天趣舒愉怡我尋古勝蹟正值春深時野麝鬻香
草松鼠蟠膠枝羣御總萃止地靜心忘疲此中含聖澤
各勸飲一卮塵襟滌蕩盡清冷凝冰肌鳥啼猶望辛花
發如求詩宏規自天啓造化非人為九天弓劍遠悵望
難追隨

蘇文僊公集卷之八

七言古風

錦鯉朝天圖為周子建同年賦

黑風掀天海水立千里波濤浴紅日三級桃花開禹門
慶會雲龍兩相得崢嶸頭角披紫烟三十六鱗橫亘天
金蛇掣火燎焦尾一躍已在珠宮前阿香車動豐隆怒
便駕長雲上天去鐵鬣騫騰翠水乾鋼鬣鼓動丹山碎
馮夷擁衛寒潮飛龜鼉起舞長鯨隨天生神物本靈異
應使鬼神長護持江南六月驕陽赫待捲溟波霈甘澤
甘澤功成民物蘇薦爾天門守金闕

三 丹鳳鳴陽圖為丘時雍進士賦

千載文明召靈異玉燭調元贊和氣梧桐挺秀生高岡
丹鳥和鳴在天際想當神瑞胚胎時阿閭陽精明德輝
川祗嶽后駿奔走祥雲滿天甘露垂玉樓金闕雲中起
九奏蕭韶協宮徵曲終覽德一來儀蕩蕩重華照天地
蒼姬啓錄周文興于彼岐山時一鳴我

皇盛德舜文協瑞應虞周今見徵十洲三島登時用高
才濟濟人中鳳九苞七德滿清朝永建基圖紹天統

古樂府君馬黃贈在六同年歸省

君馬黃我馬白二馬同馳綠楊陌奈何中道生別離君
馬從南我馬北憶初攢轡長安門玉勒雕鞍蒙
主恩一雙意氣逼霄漢兩府官僚趨後塵

帝畿大道平如水，騰踏風雲報知己。看徧東郊上苑花，
與君一日行千里。今君別我迴絲鞭，昨夜房星雙射天。
還須相遜起宣力，北掃祁連南靜邊。歸來血汗論功業，
同侍金門五雲側。男兒韻畧本超群，八駿周遊六足論。

畫蘭

我家舊宅臨湘浦，種得幽蘭滿洲渚。九幽香動朔風飄，
百畦靜色涵秋雨。擷英為佩形容枯，焚蕕曾逢原大夫。
孤標本與桂松列，雅志寧甘蕭艾俱。佳人深居在幽谷，
幽谷無人斲長綠。窈窕時聞遞遠馨，娉婷自惜持貞獨。
一從走馬道長安，紅塵每日紛衣冠。清泉白石舊遊處，
翠葉丹葩臨玩難。何人膏懷富蘭蕙，醉墨淋漓寫生意。

綺石移來脩竹叢
鶯啼老寒林樹白
畫詞林塵慮清
展圖坐讀雜騷經
楚草湘浦儼相對
却憶墨均空復情
劉郎愛畫開蘭砌
索我長歌表幽致
更期陰德厚栽培
種爾芝蘭滿庭翠

竹隱

沙溪一道涵深綠
暑雨陰森萬竿玉
捧龍翻甲長兒孫
老向林泉守貞獨
截筒嶰谷無伶倫
製笛柯亭非昔人
含雲蓄霧抗高節
厭飲烟霞秋復春
六逸閑示醉風月
三徑紛紛落蒼雪
紅塵不到翠雲深
此樂難同俗人說
鳳飢惟食青琳琅
誰言此竹長珍藏
萬陂感正會當化
不然作律昇明堂

題邊文俊山水

文俊膏中富山水造化巧妙資陶鎔酒酣墨恣揮酒
掃出萬疊青芙蓉懸崖接天瀉飛瀑古樹聳壑攢奇峯
林巒滴翠遠莫辨坐見元氣蒸鴻濛耕雲種玉者誰子
結廬住在層嵐中自擷園芳拾澗實幾年此地巢雲松
小橋流水浸芳草野寺近遮山一重晝日嵯峨見高閣
晚風彷彿聞疎鐘落花滿徑閑未掃有客載酒來相從
聯舟泛開碧浩蕩策蹇踏破青蒙茸波光入戶黛色濕
竹扉茅屋春溶溶相逢掃石話太古等閑隔斷紅塵蹤
我家林亭湘浦側勝槩亦有神奇鍾自別江南住江北
回首却羨漁樵翁披圖拂素寫遠意夕陽極目雙飛鴻

呂端俊畫梅為陳汝礪題

同雲四合天無暉八表繽紛寒玉飛乎號巽二撼地軸
水落山空群卉腓玄冥扃戶乾坤閉陰山瀚海水千尺
繁榮總括六陰中飛鳥無聲絕人跡此時何處尋吾徒
勁節可憐秦大夫託根解與此君共遠招姑射同幽居
有時風定飄花止十尋黛色參天起瓊佩玲瓏翠蓋間
琅玕憂擊寒濤裏有時月出參橫昏冰壺散影無纖塵
蒼鷲罷舞老龍臥恍疑縞服來香菟渭川淇澳俱芳草
陶公去後逋仙老殷勤叙此金石文世態炎涼豈堪道
君不聞東園桃李花如雲朝榮暮瘁無長春西園蘭桂
本高潔難與冰雪同其群世人結交亦如此翻雲覆雨

何紛紛

天風海濤四字文翁朱先生嘗大書于建之鼓山
此圖蓋即其實而模寫也予因賦之

東南積水包天地搖蕩洪濛杳無際大塊俄噓巽二來
黑霧排空漲陰氣玉山銀島紛崔嵬千里萬里奔雲雷
蜃樓噴雪倒臺榭鮫室揚塵飄桶掬豈無瓊樓寶閣神
仙宅晝日陰霾鎖宮闕長鯨鼓鬣射波紅汗漫廬敖迫
不得豈無金屋瑤臺海若家層城捲地飛烟沙鼉鼉掀
舞老蛟怒天吳河泊興咨嗟誰人妙契觀瀾理剪截天
池半邊水倏忽朝宗在蓋堂如聽萬鼓蓬萊裏邇來天
地歸平城海波豈得長驚騰會須一扶倚天劍畫其颺

李惟公集 卷八
四
母摧鷗鵬南箕不簸陰陽崇敢曰封姨肆威雪滄溟渤
瀚靜泓澄六鰲擁柱封扁輪萬派千流均會同十洲三
島春融融若木必雲閣風外扶桑拱日蓬壺東梯航獻
享來重譯山琛水恠依時出鐵網珊瑚明月珠孤嶼重
淵效臣職潮汐虛盈秋復春星河尚遣乘槎人歸來備
說太平象國有

聖主資賢臣從茲海晏垂千古不復前時震驚苦題詩
擬障百川東浩氣橫秋巨天宇

題蘭

有石嶠巖在空谷有草青青抱貞獨不將艷質競天桃
只犯真心友脩竹脩竹同盟守歲寒紫笠靜倚青琅玕

槎牙老樹啼雙鳥衆卉無情空自殘
花落花開幾寒暑不為無人歇光采
託根有幸離蓬蒿孕秀常時飽烟雨
我聞聖人觀衆方惜此馨馨王者首
援琴鼓之發長嘆植物時遭空自傷
後來屈子懷忠烈獨著騷經養心德
飡英自許制顏齡紉佩那堪東高潔
誰將醉墨圖芳叢楚畹移來蹤跡同
聖賢佳致盡收拾靜滋玉露含金風
狀元子姓詩書裔愛畫平生富天趣
千載重看謝氏庭蘭蕙紛紛滿階翠
我家住在沅湘間沅有芷兮澧有蘭
庭階久別寸心遠看畫令人思故園

叢桂謠送白廷光東歸

昆陵郡中桂兩叢南北分枝根本同
白丞父子親種植

養育造就資神功前年大叢起山北父道尊崇卓高節
柯條總總相扶持一枝占得清秋月今年小叢登南山
子職卑頰紛承參群柯衆葉儼鍾秀依舊天門攀玉蟾
聖恩下霑無先後北叢還讓南叢茂看花走馬遊長安
幾向東風憶前度別來樹樹皆成陰兩枝相見情何深
有如風雨對床夜不盡彭城離別心閑雲惹動江南意
廣寒重折高枝去雨露涵濡

恩自天烟霞掩映光生地金粟飄香滿故園此行良足
榮家門主人有道聽我祝更加德澤培靈根君不見甯
家丹桂是嗔驚年年歲歲蕃兒孫

畫馬

房星孕秀龍媒出行盡金微貢京國曾遜窮胡北到天
交河蹴踏層水裂功成噴玉歸長安勅賜收養收天閑
拳毛厭飫細草潤汗血洗濯清泉乾太平不忘脩武備
伏櫪何如戰場利金羈慣抹瘴塵飛緩急還須效勞去
君不聞近時玄宗照夜白昔日霍家果下驄皆從禦侮
樹勲業畫圖今古傳雙料

灤峯別墅為盧譚中書賦

雲中疊出芙蓉青當天一柱遙崢嶸蒼然不改太古色
直控庾阜連滄溟北溪先生有書屋琪樹千章花簇簇
青猿啼罷玉芝紅白鶴歸時瑤草綠先生已去餘高風
後有作者今慙翁買田築室紹芳躅雄踞虎豹登虬龍

廣開芳圃極深谷更種長松藝脩竹朝課童奴隴上耕
暮聽孫子窻前讀水釣山樵秋復春等閑富貴輕浮雲
客來誰道少佳致搏拊白雪開青樽翁不出山二十載
花開花落年年在別有蹌蹌丹鳳毛飛向雲霄炫光彩
披圖示我瀛峯秋彷彿弱水通瀛洲無寧天地有奇秘
會當一往同遨遊題詩拂袖寫幽意江南江北情悠悠

題山水圖

樸菴先生未出仕江南江北飽看山烟霞厭飫二十載
結廬住在雲之間興米奮起尋幽致風駕兩腋飛天路
養得蒼虬拂水行放教老鶴冲霄去暮阜衡廬紫翠重
神奇內秘精靈通洞庭彭蠡渺何許一覽萬派周千

純陽道人有琳宇瑤草連階花滿樹月明吹笛過君山
聞訪旌陽斬蛟處老龍啓蟄永聽歌石臺倚澗高嵯峨
青猿持獻碧林果赤鯉躍出滄江波繽紛空翠飄瓊席
黛色染天晴欲滴盡收飛瀑瀉膏懷手撚紫嵐為未食
雨後桃花紅漲川迢迢一逕通仙源小橋流水浸芳草
別有乾坤開洞門歸來人世常如故綠樹青山隔烟霧
偶從龍御上天飛極目相雲幾朝暮青山翠水環瀛洲
玉堂坐對青林秋丹砂尚可尋舊約待駕颺車超弱流

雪梅為胡孟陽題

朔風夜剪瓊瑤屑月下寒凝萬株白陳郎三昧熟天機
淡掃烟綃換春色雪骨無煩香麝汗冰肌肯受淄塵涅

魁花彷彿廣寒遊此妙難同俗人說北枝五條俯且盤
憶昔羅浮夢裏酒中看綠衣舞罷天向曙翠羽啼殘風
自寒南枝七條仰而健昔從霸陵渡頭石上見詩愁萬
斛載吟肩玉頰無言靜相伴凍合冰壺別有春孤芳解
與孀娥親應仗纖阿寫踈影却資滕六添精神太極從
茲觀剝復數協陰陽無五六清癯一任老林園桃李依
然是奴僕我住江南三十年統屋瓊姬知幾千冰霜高
潔有真樂歲寒獨占春之先北上空觀石湖譜雪中袖
却調羹手殺狀難逢松竹青誰共襟期結朋友畫中偶
接舊貞姿野色微茫湘水涯孤村離落曉行處似携樽
酒尋新詩香生翰墨寫遠意我詩此圖百世留神奇

畫鷹

鳳皇長羽族詰問爽鳩氏皇天賦爾英雄資超越衆禽
豈無意爾不開北山妖狐戴觸髅夜拜北斗成娼優公
然白日入城市蠱惑淫夫同冶游山君雖勇亦容納仙
騎野賓皆好迷又不聞南山狡兔藏三窟植黨分明自
蕃育穴鑽倉廩竊官儲陵際原田踐民粟韓盧奔逐乃
殞生且網徒張莫能逐尔今卓立高山岡聽泉蔭樹如
尋常盍思有官必盡職孰謂狐兔無庸傷爽鳩拜稽首
感荷鳳皇知曰彼惡久稔天誅良在茲禍淫福善總憑
理褒德行刑頃及時更侍秋霜枯百草我當一舉凌雲
飛下攫羣凶拯民患蓋殄妖孽無餘遺自憐鋒稜十二

翻昔獵郊原星電馳探巢磔虺報讎敵制手兇殺狐除禍
基何緣今日怯無勇甘受燕雀紛朝虫鳳皇嘉其忠曰
雨真無敵秋空萬里靜烟雲一劍孤飛杳無迹

題松磻石畫

寶盎儲沙養松石智巧能令自盤屈松雖有意屢迴旋
石却無心但孤立宛如陰壑潛靈蛟金鱗鐵爪森蒼毛
上繞峰巒運雷雨下墻柱石虛風濤綠雲變化丹青手
宜樂琴棋亦宜酒請君細看歲寒時獨此青青是吾友

橘齋為劉文輔賦

豪家濫養千頭奴瑞蒂難生十二實何如醫國蘂芳馨
博學廬山董仙術高齋一夜飛秋霜千樹萬樹金垂黃

陰功在人德愈厚良心及物名猶香淮海脩誠貢方物
洞庭嘉致成珠玉會有龐眉四老人對奕相邀啖龍肉

題何澄山水圖送王司馬歸河州

竹鶴肯中富丘壑老來志趣通神靈丹青拂素寫茲景
蕩摩元氣開蒼冥尚書府中俗塵靜林谷坐見移高庭
有山去天不盈尺層疊紫翠舒金屏有水懸崖掛銀漢
下激巖溜趨東溟松巢栢飲者誰子臨流自結清風亭
衡門無客碧苔老白雲時與封柴高春漁北溪鮮可食
小舟繫在黃蘆汀秋斂東郊羨可如慶豐屢倒香醪餅
晝拉朋遊和詩什夜聽子姪談羣經百舟何殊自家意
我偕造化俱忘形君不聞獨樂園中司馬氏盛年避位

嬉林垌山水周遭屋上下花木綵繪雲紅青閑時心意
弄泉月起來事業轟雷霆尚書德望亦如此休菴未許
和鷺停願天絕佑我家國錫公百福熙遐齡整頓乾坤
濟時出開廓海宇為清寧作詩寫興誌來事歎此聚散
參辰星

題老龍松壽陳叔誠七十

君不見徂徠山屹萬仞空產此千丈蒼髯龍洗濯冰霜
健筋骨厭飽雨露增顏容靈根九地屈金鐵遠聲百里
聞笙鏞天風時來落青子散為族姓分諸峰大者烏臺
領霜相小者藻澗驅文鋒山龍愛與水龍友可斥百恠
無相從世人借問幾何壽荅言官自秦時封操節在心

久愈勁鞠躬向客勤彌恭無寧大意有陰佑予此四序
青雲濃松材有用世不偶獨隱泉石高其蹤應共梅椿
抗塵俗坐閱千古明時雍蓬山竹梅亦孤介相與守道
崇儒宗作詩比興遠相寄一鶴正墜天南東

題陳編脩宗堯竹鶴老人畫

一清先生有道者乃身廊廟心江湖大隱金門動幽興
愛此竹鶴丹青圖蒼溪水清雪川遠先生卜宅溪東隅
新秋晚涼雨未霽江山掩映青模糊天風忽來解人意
蕩滌屏翳蠲塵汙頃更掃淨衆山出萬象森列開寰區
金蓋倚天不盈尺太湖展鏡平如鋪碧瀾堂高載酒至
翠微一逕通紫紆棹引扁舟出下若東林野寺閒而孤

此中樂事亦云備靜觀畫妙應無殊我家舊山亦如此
別來韻味多荒蕪勲名富貴是何物能使簿牒煩吾軀
先生與衆肯同樂棹歌風月遊三吳

送徐萬英歸淳安萬英原一兄也

錦沙村裏岡梧碧一雙綵鳳鳴朝日仲也飛天儀
伯弓還守丹山穴不堪夢草勞心鬼却乘匹馬朝天門
異鄉此別久嘉會天倫樂事難名言開筵把酒論心緒
恩深手足輕名位春院風光放棗花秋空霽月聯鴻序
伯弓有行還能文我嘗屢拭芝蘭芬博古無書不經目
蟠膏有策堪凌雲遜世材名久默默接人意氣常欣欣
伯弓抱負乃如此仲也豈不超人羣白雲延佇離鄉久

遠憶庭闈今皓首雙鳳同辭闕下歸指日登堂奉春酒
春酒香生壽域寬二難綵服同承歡若念彭城風雨夜
作詩時復寄金鑿

題河澄竹鶴老人畫

高堂春酒醒紅日隔斷芳塵展瑤席畫圖披拂素雲開
忽見青山繞墻壁遠峙崇岡凌紫微光行西蜀瞻峨眉
近疊重巒壓坤軸我從南湘見九疑丹崖翠壁忽中斷
穹林一簇青烟霏樹頭屹出九霄小山脚插入長江湄
平原綠草色明媚野橋流水光漣漪溪南溪北有人住
烟霞厭飫承平時憑高一目幾千里鳥飛不到東溟垂
丹青孰有此嘉致竹鶴老人能爾為君不聞是中之英

靈積之豈無賢者藏於斯廟堂懸賞擢推薦林壑韶光
甘棄遺誰當一網考槃士大開公道無纖私偶閱方圖
猷前趣尔懷避世山林姿丹梯隨處可攀躡他年歷覽
題吾詩

題

指揮武昌勝槩圖

武昌山勢奔長蛇漢陽大龜蹲水涯龜蛇左右夾江漢
兩都形勢雄邦家將軍材氣兼文武壯歲武昌開帥府
八蠻溪洞蕩塵氛萬竈緄緄肅師旅有時駐節中軍營
揀華耀日填荒鳩梵王殿內看金象呂仙亭前聽笛聲
黃綈已騎黃鶴去高樓每共仙人醉城頭復起望江樓
隔岸飛來蒹葭翠有時捧檄巡邊心樓船渡江笳鼓喧

鸚鵡洲花送輕棹鳳凰山樹浮清樽烟波灣上亭如鼓
士馬皆諳舊遊路秋光覽徧却歸來七澤三湘壯襟度
將軍自是萬夫雄齟畧傳家昆季同丹青誰寫此佳致
江山幾載詳遺蹤我懷宿昔還鄉國感激將軍能愛客
諸侯宴我望江樓畫裏江山總相識十丈穹碑鐫記文
至今屹立城頭石

題四皓奕碁圖

烟霧隱山春色漲郊原草樹青冥濛橋橫絕澗人家遠
水漲平湖舟楫通茅亭近在湖山側隔斷紅塵趣幽絕
中有圍碁四老翁莫是尚山如芝客翁碁得意多歡顏
漢楚輸贏一笑問柴門有客抱琴至欲託知音相與彈

琴瑟自有山林樂翁與山雲常快活富貴功名事等閑
烟霞泉石心寬綽故園風景諒皆然圖畫憑誰託輞川
十年勝景今題詠目送飛鴻過楚天

唐諫議劉蕡祠在昌平縣學成化甲辰清明前二

日瑞光寺曉行遇鄉民往叅作七言古詩

水抱層城山染藍北方勝境如江南幽期再憩瑞光寺
老僧猶是吳人談他官取便各尋路我獨息念眠其菴
暖風夜送百花氣月落山空春夢酣曉行耆稚塞滿道
各有瓶榼分携擔持香奉楮駿奔走松櫟二廷趨烟嵐
問之輿人彼何適曰古劉蕡今徃然傷嗟此去有華毛
節彼峻石何巖巖賢良廷對萬言策捨生取義真奇男

開心指陳禍亂本歷膽洗雪邦家慙手護日輪掃塵翳
尺支天柱登峴碧龍鱗逆觸主君怒虎口危遭姦慝諛
當時况肯頗采納大慙孰敢如朱三僖昭困阨始悔悟
天運已去人何堪邇來七百有餘歲褒忠賜祭恩潭潭
民彝不滅天理在供祀允宜鄉土耽我敬賢慕每肅拜
高山景行衷情詣英雄可悲亦可恨必有神靈孚至誠
翼晨事跋重入寺竹牕幽戶雲霞緘軟塵香霧一百里
鳴鑾振玉馳歸驂

春社應制

夾鍾初轉東皇駕祈年有禮開春社上戊明禋國祀崇
恩典通行徧天下大州小縣連寰區築壇展禮迎神祇

拄宇滿車酒滿甕擊鼓吹簫扶醉歸醉中共唱昇平曲
麥穗青青繞川陸門掩雞豚日色溫影斜桑柘雲陰綠
社神自古稱勾龍年年送雨資三農均分社肉慶豐稔
獨說陳平心至公陳平可作今時相勾龍不爽秋成望
祖考洪圖億萬年樂民之樂恩無量

夏夜應制

恭惟炎帝乘離運長日幸此良宵雖短炎威息廣寒宮
殿啓軒牕玉壺傳點更籌急祝融有意舒人情掃除雲
翳開新晴瑣闥邀來皓月白羅衣透入薰風清仰觀太
虛潤煥乎萬象森列文章明俯察方輿靜瑩然一池皎
潔菱荷馨六龍行雨歸來暮紫電鞭蛇光燭地雙鶴還

巢睡正濃仙翫飛繞瑤臺樹殿間微涼樂趣多萬幾一
日尤勤慮却憶吾民千畝耘苗暑雨勞更念吾兵萬艘
輸粟東南路夜何其夜未央暫伴明蟾棲象床夢醒
金雞既鳴矣又臨百辟朝明堂

瑞麥歌

天清地寧四海一皇極人民躋壽域太和融液作禎祥
瑞麥芄芃產源隰想當靈貺胚胎時玉皇有詔宣玄祇
橐籥陰陽啓膏土祥風滿野甘露垂斯須沃壤英華發
擢穎揚芒表天德一莖九穗共靈根千穎同苞綴金葉
九重殿閣臨清都諸侯拜舞呈貞符兩岐不貴漢謠異
四穗寧論晉史書昔周后稷基王室貽此靈苗給民食

斯瑞端由

聖祖貽登歌清廟垂無極赤鳥有羽難為衣大萍有實難充飢永祝豐年保斯瑞萬邦於樂同雍熙

雲山辭

山出雲兮天廓清雲附山兮地以寧縈勢位之崢嶸兮氣升以炳靈彼態度之悠揚兮匪巖岫曷憑倏忽展千尋之蒼白兮抹萬疊之遙青蒼開兮錦障鳥飛兮畫屏想漁歌與牧唱兮嬉光景於林坳豈無鉅儒之隱其中兮環山以為家而結雲以為亭危獨心醉六經兮曷不起效用於吾庭騁遐觀之浩蕩兮馳吾想於窈冥雲為霖兮雨四紘山奠位兮峙八溟寫吾辭於音律兮聊樂

志以延齡